



Unioni de is Comunas de su Partiola e de su Campidanu de Bàsciu

Progetu "Sa Lingua Sarda 2", Avisu TuLIS - Annualidadi 2023



Comunu de Barrabi



Comunu de Partiola/Sici



Comunu de Donori



Comunu de Serdiana



Comunu de Sètimu



Comunu de Solèminis



Regioni Autònoma de Sardigna - Lei 482/99 e L.R. 22/2018



Comunu de Barrabi

Stòria de sa bidda

Bidda agro-pastorali che a atras meda, Barrabi tenit unu territòriu po su prus pranosu, mòviu a nord est de unu giru de coddus chi lompint a su Monte Uda (370 m), chi su cùcuru suu est sa parti mellus de su Parcu Comunali birdi e fròridu. Su Parcu tenit unus 300 ha de pimpinera e tupa mediterrànea: unu prumoni birdi diaderus, in su pranu de laori de sa Trexenta, chi si podit lompi de sa S.S. 131.

Su Parcu panoràmicu de Monte Uda tenit àreas de posada po smurtzai e camminus po curri; ddoi est un'arrinconi po arresai puru, asuta de una Madonna cun pipiu chi càstiat bia a is domus barrabesas.

Is bècius contant de àiri intèndiu is contus de is ajajus insoru chi in su logu de Natalis ddoi fiat una crèsia pesada asuta de una arrocca manna manna acanta de su frùmuni. Su logu, chi in sardu ddi nant "s'arrocca de sa Trinidadì", no dd'ant mai scorrovonau beni, e iat a podi cunfrimai puru custu contu. Arrestus nuraxesus ddoi funt in logus meda de su territòriu comunali (Nuraxi "Dom'e s'Orcu" e is sciùscius in "Su Mausoleu").

In su tempus mesuevali sa bidda fiat parti de su giudicau de Casteddu, curadoria de sa Trexenta.

A pagu tretu de Barrabi ddoi funt is sciùscius de sa bidda mesuevali antiga de Natali. Su sartu comunali, totu coròngius, est manixau po su prus a laori e a bìngia, e ddoi funt olivàrius pìticus po si fai s'ollu ermanu po domu.

De unus annus ant prantau puru melarjus mannus chi faint melas drucis e tzacarrinas.

Is pascidroxus barrabesus sanidosus, intamis, funt prus in artu, acanta de is contrafortis de is montis de sa parti est de sa Provintzia de Casteddu, chi tenit cussòrgias spainadas in is prabàinas suas. Su territòriu comunali ammostat puru logus de interessu paleontològicu (pedras crobias cun Lamellibranchi; fòssilis miocènicus).

Prodotus de su logu:

Sa Gastronomia barrabesa tenit su puntu de fortza sua in sa bontadi e sintzillesa de is produsus de laurera e de is pascidroxus. Petza e casu stravaneus de brebei e de craba. Intre is binus de su logu, fatus in cantidadi pìticas de is produtoris localis, tocat arremonai a su Nuragus (binu biancu) e a sa Mònica (binu nieddu). Si manixant bariedadis de trigu arrùbiu de primori; àxina, pèssiu, aràngiu e mela.